

Wien, Österreichische Nationalbibliothek (ÖNB), Cod. 1547

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

1215

C O D I C E S

1216

rum duxerit perturbanda, que per potentiam tuam ab aliorum debent molestatione defendi, nequaquam ulterius poterimus equanimiter sustinere, quin pro bonore illius quam suscepimus diuina cooperante gratia gubernandam nos, ut ad nostrum spectat officium, opponamus. Datum Verone XIII. Kal. Julii.

Codicem nostrum olim ad antiquissimum Bavariae Coenobium *Weltenburgense* pertinuisse repetita saepius ἐπιγραφη: *Liber S. Georgii Weltenburch*, docet, cuius Abbatem *Michaelem* 1418. multos Codices abalienasse invenio, quo fortasse spectat illud fronti pag. 1. adscriptum: *Accipi dono ab abbatе.*

CCCVIII.

³⁴² Codex membraneus lat. Sec. XII. Folior. nunc 150. f. probe scriptus, rubricisque pernotatus complectitur *Ruperti Abb. Tuitiensis* Sec. ejusd. Scriptoris, O. S. B. an. 1135. defuncti *Libros XIII. de Victoria Verbi Dei*, de quibus jam ad Cod. praeced. dictum est. Praecedit hic Librorum Capitumque recensus, qui tamen satis exactus non est. Fol. 12. p. 2. minio: *Incipit prologus Ruberti de uictoria uerbi dei.* Fol. vero 14. *Incipit liber. Domini abatis. Ruodberti tuiciensis de victoria verbi Dei.* Initia dedimus Cod. supracit. Lectio collata cum edit. Veneta 1749. T. III. Opp. Ruperti genuina est, sed ab iis L. XII. c. 24. verbis: *quamuis*

apostolus grecis scribens et pro ne — — — mutilum est Exemplum.

CCCIX.

Codex membraneus lat. Sec. 116 XII. Folior. 121. f. probe scriptus et rubricis distinctus complectitur I. *Ruperti Abbatis Tuitiensis Libros IX. de Glorificazione Trinitatis et Processione Spiritus sancti*, qui in edit. Veneta 1749. prostant T. III. p. 3. Titulus miniatus est: *Prologus Abbatis Ruberti ad Honorium Papam. Ante faciem tuam o princeps beatissime &c.* Nescit Veneta nomen Pontificis, e quo, cum *Honorius* ab a. 1124. ad 1130. sedem tenuerit, simul tempus eruitur, quo *Rupertus* egregium hoc Opus elaboravit. Hunc inter et sequentem *Prologum* intercedit *Capitum Index*, qui deinceps cuivis Libro praefixus est. Incipit vero alter Prologus: *Quid faciam o Philochristi omnes auditores beniuoli &c.* dirigiturque post medium ad *Cunonem* ex Abbatе *Sigibergensi* jam *Ratisponae Praefulem* ✠. ut supra dixi, 1130. Opus ipsum, si integratatem spectes, cum editis consonat; non deest tamen lectionis varietas. Clausula miniata totius est: *Explicit liber nomus de glorificatione trinitatis. et processione spiritus sancti. domni Ruperti tuiciensis abbatis.*

II. et quidem a fol. 99. *Incipit liber eiusdem. de meditatione mortis. Quid nunc agis o anima? Saltem*